



Selfossi 23.september 2021

## Fundargerð stjórnar

\*\*\*\*\*

19. fundur stjórnar *Brunavarna Árnessýslu* haldinn fimmtudaginn 23. september 2021, kl. 8.15 í Björgunarmiðstöðinni á Selfossi.

Mætt: Eypór H. Ólafsson, formaður, Gísli Halldór Halldórsson, Halldóra Hjörleifsdóttir, Arna Ír Gunnarsdóttir, Ingibjörg Harðardóttir, Pétur Pétursson, Sverrir Haukur Grönli og Unna Björg Ögmundsdóttir sem ritaði fundargerð.

Formaður bauð fundarmenn velkomna og setti fund kl. 8.15.

1. **Húsnæðismál á Flúðum og Laugarvatni**

Umræður um húsnæðismál á Flúðum og Laugarvatni. Halda þarf áfram að vinna að lausnum í þessum húsnæðismálum.

2. **8 mánaða uppgjör**

Pétur kynnti 8 mánaða stöðu miðað við fjárhagsáætlun. Staðan er góð og í samræmi við áætlun.

3. **Fjárhagsáætlun 2022**

Pétur kynnti fyrstu drög að fjárhagsáætlun fyrir árið 2022. Umræður um einstaka liði, s.s. starfsmannamál og körfubíl.

4. **Bilun í körfubíl**

Pétur sagði frá því að körfubíll BÁ sé á undanþágu hjá Vinnueftirlitinu vegna bilunar og taka þurfi ákvörðun um hvort eigi að ráðast í kostnaðarsamar viðgerðir á bílnum eða leggja hann af þegar nýi stigabíllinn kemur í kring um áramót. Ákveðið að endurmeta stöðuna þegar nýr stigabíll kemur.

5. **Vinna vegna breytingar á orðalagi í reglugerð nr 747/2018**

Pétur sagði frá þeirri vinnu sem í gangi er vegna breytinga á orðalagi í reglugerð nr 747 frá 2018 þar sem talað er um „fast skipulag“ í mönnun hlutastarfandi slökkviliða og ætti að koma til framkvæmda í byrjun næsta árs. Fast skipulag myndi kosta BÁ um 408 milljónir á ári í viðbótarlaunagreiðslum ef orðalagi verður ekki breytt. Vinnan er langt á veg komin en breytingarnar hafa ekki verið samþykktar. Orðalagið mun þá breytast og í

JA

PP

11/25

11/25

staðinn fyrir fast skipulag verður það skilgreint skipulag sem ekki hefur sömu merkingu hvað þessa mönnun varðar.

6. **Samningar BÁ og HMS um kennslu**

BÁ og HMS hafa gert samning um kennslu varðandi eldvarnaeftirlitsmenn og í vinnslu er samningur til eins árs um nám hlutastarfandi slökkviliðsmanna á landsvísu. Stjórn vill hrósa starfsmönnum fyrir þessa góðu vinnu.

7. **Samningur milli BÁ og LV**

Pétur kynnti samning milli BÁ og Landsvirkjunar. Samstarfið gengur vel.

8. **Samstarfssamningar við nágrannaslökkvilið**

Pétur kynnti samninga við nágrannaslökkvilið um gagnkvæma aðstoð og aðstoð vegna mengunaróhappa.

9. **Brunavarnaáætlun**

Pétur sagði frá því að vinna við brunavarnaáætlun er í fullum gangi. Vinna þarf í framkvæmdaáætlun brunavarnaáætlunar og huga að tíðni endurnýjunar bíla og búnaðar.

10. **Minnisblað frá KPMG vegna launamála**

Eyþór kynnti minnisblað frá KPMG vegna launamála. Stjórn veitir formanni umboð til að ganga frá málinu í samræmi við minnisblaðið.

11. **Önnur mál**

- a. Eyþór sagði frá starfsmatsviðtali vegna starfs slökkviliðsstjóra. Uppfærð starfslýsing slökkviliðsstjóra kynnt stjórn

Fleira ekki gert.  
Fundir slitið kl. 10:05

Þórunn Þórunn

Enga

Heildun Heildun

Heildun Heildun

Umboðun

Árni Árnason

Pétur Pétursson